

मार्निंग डोगरी न्यूज बुलेटिन, सर्में. 09.20 Hrs

<><><><><><>

Headlines

1. उपराज्यपाल मनोज सिन्हा होंरें नौजवानें गी अपील कीती ऐ जे आत्मनिर्भर ते सनैहरे भविक्ख आहले भारत गितै विज्ञान ते मुल्ये-कट्टे बश्कार तालमेल बनाइयै कम्म करन।
2. मुखमंत्रि उमर अब्दुल्ला होंरें जम्मू च तवि रिवर फ्रंट परियोजना दे कम्मै दी प्रगति ते रफ्तार दा जायजा लैता ते आक्खेया जे एदे नै जम्मू दे शैहरी परिवेश गी बड्डा उछाल थोग।
3. सुरक्षाबलें कुपवाड़ा च आतंकवादियें दे इक ठिकाने थमां चीनी ग्रनेड ते हथियार बरामद कीते न।
4. जम्मू-कश्मीर थमां दफा 370 ते 35-A हटाए जाने दे अज्ज 6 बरे पूरे होई गेन, इस अरसे दौरान इत्थे रमानदारी ते तरक्की गी इक नमीं रफ्तार थहोई ऐ।
5. ते केन्द्र सरकारें जम्मू-कश्मीर च बेहतर सिड़क सम्पर्क लेई साम्बा-मानसर-उधमपुर सिड़का गी चैड़ा करियै फोर-लेन बनाने दी मंजूरी दिती ऐ।

<><><><><><>

LG Students

उपराज्यपाल मनोज सिन्हा होंरें गलाया ऐ जे साड़े नौजवानें दे बद्धे जज्बे ते उन्दा राष्ट्र दे निर्माण च बधी-चढ़ियै हिस्सा लैने करी मानवता ते राष्ट्र दा भविक्ख होर उज्जवल होग। LG

होरें ए गल्ल जम्मू च विद्यार्थियें गी सम्मानित करने आले समारोह दौरान गलाई। इस मौके उनें नौजवानें गी भारत दी विकास यात्रा दी अगुआई करने ते देश दे विकास कम्में च अपना योगदान देने लेई बी गलाया। इस मौके उप्पर बोलदे होई LG होरें नौजवानें गी अपील कीती जे आत्मनिर्भर ते सनैहरी भविक्ख आहले भारत गितै विज्ञान ते मुल्ये-कद्रे बशकार तालमेल बनाइयै कम्म करन।

<><><><><><>

CM Tawi Riverfront

मुख्यमंत्री उमर अब्दुल्ला होरें जम्मू स्मार्ट सिटी दी इक प्रमुख पैहलकदमी तवी रिवर फ्रंट विकास परियोजना दा निरीक्षण कीता। मुख्यमंत्री हुंदे कन्नै वरिष्ठ अधिकारी बी मौजूद हे। उनें भगवती नगर शा विक्रम चौक गेड-1 दे कम्में दा प्रगति दी समीक्षा कीती, जेदा 97 फीसदी कम्म, Part –A तैहत मुक्कमल करी लैता गेदा ऐ। इस परियोजना करी हाड़े थमां बचा दे कन्नो-कन्नी तवी दे दौरने कंडे उप्पर हरियाली आली थाहरां ते हट्टियां-दकानें सरबन्धी व्यवसायिक क्षेत्रें दा विकास शामिल ऐ। औन्दे सितम्बर महीने तगर एदा बकाया निर्माण कम्म बी मुकम्मल करी लैता जाग। मुख्यमंत्री होरें कम्में दी गति उप्पर संदोख बुज्जेया ते एदी आर्थिक ते पर्यटन क्षमता उप्पर जोर दिता। उनें भविक्ख दी मुद्रीकरण योजना दी बी समीक्षा कीती ते टिकाऊ विकास लेई उच्च म्यार ते समें-सीमा दा सख्ती कन्नै पालन करने दे निर्देशजारी कीते।

<><><><><><>

LG CM GMC Visit

उपराज्यपाल मनोज सिन्हा होंरें GMC जम्मू जाइयै SDM रामनगर Rajinder Singh जिन्दी 1 अगस्त गी रियासी च कुप्पड़ पौने करी मौत होई गेई ही, उन्दे घायल परिवार आहलें दी डोल पुच्छी। डाक्टरें LG होंरें गी घायलें दे मौजूदा हालात बारे पूरी जानकारी दिती ते LG होंरें अस्पताल प्रशासन गी उन्दी हर चाल्ली दी दिक्खभाल करने दे निर्देश दिते। LG होंरें SDM हुंदी मौत उप्पर गैहरा बसोस जाहर कीता ते परोआर गी हर चाल्ली दे सहयोग दा यकीन दोआया। तोंआई मुखमंत्री उमर अब्दुल्ला होंरें बी GMC जाइयै परोआर दी डोल पुच्छी। उनें अस्पताल प्रशासन गी घायलें दी पूरी दिक्खभाल करने ते सौहगी परोआर गी हर चाल्ली दा सहयोग देने दे निर्देश जारी कीते।

<><><><><><>

Kupwara Hideout

BSF, सेना ते जम्मू-कश्मीर पुलस नै Kalgroos ते कुपवाड़ा च त्रंऊ दिनें दे सांझे तलाशी अभियान दौरान कल आतंकियें दे छप्पने आले ठिकाने दा भांडा-फोड़ी दिता। सुरक्षाबलें उत्थुआं 12 चीनी-ग्रेनेड, इक चीनी पिस्तौत, इक रेडियो सैट ते होर दूआ संदिग्ध समेयान बरामद कीता। BSF कश्मीर ने सोशल मीडिया पोस्ट च गलाया जे समें उप्पर कीती दी इस कारवाई करी क्षेत्र च कुसा नापाक हरकत दी गुंजाइश गी नाकामयाब करी दिता गया ऐ। प्रशासन नै गलाया जे जवानें दी चौकसी ते सांझे-अभियानें इक बारी परतियै लोकें दी सुरक्षा च महत्वपूर्ण भूमिका निभाई ऐ।

<><><><><><>

CS Healthcare

जम्मू च सेहत सुविधायें गी होर निग्गर बनाने दी मंशा कन्नै मुख सचिव अटल डुल्लु होरें जम्मू दे प्रमुख Govt. Medical संस्थानें दा व्यापक दौरा लाया। उन्दे कन्नै मैडिकल कालेज दे प्रिंसिपल, सुपरिटेण्ट ते इंजीनियर बी मौजूद हे। इस दौरान मुख सचिव होरें मरीजें मरीजें गी दिती जाने आली दिक्ख-भाल सुविधायें ते चला रदी ढांचागत परियोजनाएं दा बी जायजा लैता। GMC बक्शी नगर च उनें सौ बिस्तरें दी समर्थ आहले Critical Care Block दा बी जायजा लैता। उनें SMGS अस्पताल ते हड्डियें-जोड़े दे अस्पताल दा बी दौरा कीता। एदा मुख उद्देश्य सेहत-सुविधायें दा आंकलन करना ते समें उप्पर मैडिकल सरबंधी विकास परियोजनायें गी मुकम्मल करने गी यकीनी बनाना हा।

<><><><><><>

Article 370

जम्मू-कश्मीर थमां दफा 370 ते 35-A गी हटाए जाने दे अज्ज 6 बरे पूरे होई गेन। इस विशेष दर्जे दे हटाए जाने दे बाद जम्मू-कश्मीर च केन्द्र दे ऐसे केंई कन्नू बी लागू होई गेदे न, जिन्दे नै इत्थै ढांचागत विकास, सैलसफा, शिक्षा, सेहत सनें हर क्षेत्र च विकास दी इक नमी लैहर दिक्खने गी लब्बै करदी ऐ। बुनियादी अधिकारें कोला महरुम केंई समुदायें गी उन्दे अधिकार थहोए न ते उब्बी हून बाकी लोकें आंगर अपने बुनियादी लोकतांत्रिक अधिकारें दा इस्तेमाल करी सका करदे न। सरकार दा आक्खना ऐ जे ओ जम्मू-कश्मीर च स्थाई अमन शांति, तरक्की ते खुशहाली गितै वचनबद्ध ऐ ते लोकें दे सहयोग कन्नै केन्द्र शासित प्रदेश गी सनैहरे भविक्ख

आहली बक्खी तेजिया कन्नै अगड़े लेई जाने लेई कोई कोर-कसर नई छोड़ी जाहग। आकाशवाणी समाचार कन्नै इस मौके गल्ल करदे होई बी.जे.पी. प्रवक्ता डाक्टर ताहिर चौधरी होरें

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ अज्ज 5 अगस्त गी दपैही साङ्ठे 12 बजे त्रिएं मिनटें दी इक विशेष परिचर्चा प्रसारित कीती जाहग जेहड़ी 5 अगस्त 2019 गी जम्मू-कश्मीर थमां दफा 370 ते 35ए हटाने दे बाद पिच्छले 6एं बरें च आई दिएं सकारात्मक तब्दीलिएं उप्पर आधारित होग। इस विशेष कार्यक्रमे च साढे परौहने होडन साबका प्रशासनिक अधिकारी ते मन्ने-परमन्ने दे समाजी कार्यकर्ता श्री के.बी. जंडेयाल ते वरिष्ठ पत्रकार ते प्रेस क्लब जम्मू दे साबका प्रधान श्री अश्विणी कुमार, जेहड़े पिच्छले 6एं बरें दरान जम्मू-कश्मीर च आए दे सकारात्मक बदलावें पर अपने माहिराना बचार सांझे करडन। इस कार्यक्रम दा संचालन करडन साढे न्यूज एन्कर, कुणाल श्रीवत्स ते विजय बजाज। एह कार्यक्रम तुस मीडियम वेव 303 मीटर यानि 990 किलोहर्ट्ज, एफ.एम 100 इशारिया 3 मैगाहर्ट्ज ते 104 इशारिया 5 मैगाहर्ट्ज पर बी सुनी सकदे ओ।

<><><><><><>

Samba -Mansar Road

जम्मू-कश्मीर च बुनियादी ढांचे गी विस्तार ते मजबूती देने दी इक महत्वपूर्ण दिशा च केन्द्र सरकार आसेया साम्बा-मानसर-उधमपुर शिड़कें गी चैड़ा करियें कन्नो-कन्नी चंऊ गड्डियें दे

लंघने जोग बाने दी मंजूरी देई दिती ऐ। 7 हजार 4 सौ 18 करोड़ रपे दी लागतै आलियां परियोजनां जेहड़ियां केन्द्री बजट च घोषित कीतियां गेदियां न, इन्दा मकसद खिते च ट्रैफिक दे रश गी घट्ट करने ते गड़डियें दी व्यवस्थित आओ-जाई दे कन्नो-कन्नी सिड़क राबते च सुधार करना बी ऐ। लोकसभा च सांसद जुगल किशोर शर्मा होरें इस बारे तस्दीक करदे होई आक्खेया जे एदे कन्नै साम्बा ते उधमपुर बश्कार सफर करने च घट्ट समां लगगा करोग ते कन्नै गै बपार, सैरसफा ते आर्थिक विकास गी बी बढ़ावा थ्होग। उनें गलाया जे शिड़के दे बेहतर राबते कन्नै मकामी लोकें गी आओ-जाई च सखाल होग ते धार्मिक थाहरे पर औने आले तीर्थयात्रुएं गी बी फायदा होग। इस परियोजना लेई केन्द्र सरकार दा आभार जतांदे होई सांसद जुगल किशोरक ते उत्थू दे मकामी लोकें सिड़क यातायात सरबन्धी केन्द्री मंत्री नितिन गडकरी हुंदा जम्मू-कश्मीर च सिड़के दे विकास गी प्राथमिकता देने लेई धन्नवाद कीता। लोकें दा आक्खना

<><><><><><>

Sericulture Ramban

मैहकमा रेशम रामबन, करसाने गी बरसांतै दी रुतै दौरान बी आधुनिक तकनीके दे इस्तेमाल राहे रेशम दे बेहतर उत्पादन च मदद करै करदा ऐ। मैहकमे आसेया रेशम उत्पादके गी तूते दे बागे चा पानी दे निकास दी व्यवस्था दे आधुनिक ढंग-सरिस्ते बारे बी जानकारी दिती जन्दी ऐ। एदे इलावा बूहटे गी बमारिये ते खुबटिये गी खराब होने थमां बचाने लेई सफाई-सुथराई ते होर तकनीके दे बारे च बी माहिरें आसेया जानकारी ते सिखलाई बी दिती जन्दी ऐ। इस बारे आकाशवाणी कन्नै गल्ल करदे होई जिला रेशम अधिकारी संजय रोमेहत्रा होरें

<><><><><><>